

ОИЛАДА ЎСМИР ЁШЛАРНИ МАМЛАКАТНИНГ ИЖТИМОЙ-СИЁСИЙ ХАЁТИГА ЖАЛБ ҚИЛИШДА МАҲАЛЛА ИНСТИТУТИНИНГ ЖАМИЯТДАГИ РОЛИ

Салоҳидинова Ғазалхон Бекмирзаевна

Алфраганус университети Педагогика ва психология кафедраси катта ўқитувчиси

ARTICLE INFO.

Таянч сўзлар: ижтимоий-сиёсий фаоллик, истеъоддли ёшлар, ёшлар билан ишлаш механизми, маҳалла фаолияти, ёшларга оид давлат сиёсати дастури, Учинчи Ренессанс.

Аннотация

Ушбу мақолада оилада ўсмир ёшларни мамлакатнинг ижтимоий-сиёсий ҳаётига жалб қилишда Маҳалла институтининг ёшларни бўш вақтини мазмунли ташкил этиш, ёшлар билан ишлашнинг янгича бошқарув механизmlарини жорий этиш, ўсмир ёшларнинг ижтимоий-сиёсий фаоллигини ривожлантириш жараёни, ёшларга оид давлат сиёсати доирасида амалга оширилиши ва ёшларнинг ўзини самараали англаши учун имконият ва шарт-шароитлар яратиш масалалари ҳақида сўз юритилади.

<http://www.gospodarkainnowacje.pl> © 2025 LWAB.

Ўзбекистон Республикаси Президентининг 2023 йил 21 декабрдаги “Маҳалла институтининг жамиятдаги ролини тубдан ошириш ва унинг аҳоли муаммоларини ҳал этишда биринчи бўғин сифатида ишлашини таъминлашга қаратилган чора-тадбирлар тўғрисида”ти ПФ-209-сонли Фармонида

Ёшлар етакчисининг асосий вазифалари сифатида қўйидагилар қайд этилган [6]:

1. Маҳаллаларда ёшларнинг бўш вақтини мазмунли ташкил этиш, жумладан, уларни “Беш ташаббус олимпиадаси”да иштирок этишга жалб этиш. (*Ҳар ойда камида 20 нафар ёшларни спорт, мусиқа ва фан тўғаракларига жалб этади. Ҳафтада бир маротаба спорт мусобақалари, мусиқа ва рақс танловларини ташкил этади.*)
2. Ишсиз ёшлар ва мактаб битирувчилари бандлигига кўмаклашиш, жумладан, “Ёшлар бандлиги дастури”ни маҳаллада амалга ошириш. (*Маҳаллада ишсиз ёшлар ва мактаб битирувчиларининг рўйхатини шакллантиради ва ҳоким ёрдамчиси билан биргаликда уларнинг бандлигини таъминлайди. Ҳар ойда бир маротаба мактабнинг битирувчи синф ўқувчилари билан учрашиб, олий таълим муассасаси ва мутахассислик йўналишини танлаш ҳамда кириши имтиҳонларига тайёргарлик кўришига ёрдам беради.*)
3. Давлат кўмагига муҳтоҷ “оғир” тоифадаги ёшларнинг ҳаётда ўз ўрнини топишларига кўмаклашиш. (*Маҳаллада “оғир” тоифадаги ёшларнинг яшаши манзили ва иши жойига ҳар ойда камида бир маротаба бориб, бириктирилган раҳбарлар билан биргаликда ҳаётда ўз ўрнини топишига кўмаклашади.*)
4. Ҳуқуқбузарлик содир этишга мойиллиги бўлган ёшлар билан, шунингдек, профилактика инспектори билан биргаликда ҳуқуқбузарлик содир этишга мойиллиги бўлган вояга етмаганлар

билин тизимли ишлаш. (*Хуқуқбузарлик содир этишига мойиллиги бўлган ёшлиар ва вояга етмаганларни ҳар бири билан индивидуал ишлайди*).

5. “Ёшлиар дафтари”га киритилган ёшларнинг муаммоларини ҳал этиш, жумладан, ёшларга кўрсатиладиган 30 та ёрдам турларидан самарали фойдаланиш. (*Ҳар чоракда бир маротаба ёрдам кўрсатилган ёшлиарнинг уйига бориб, лойиҳаларини амалга оширишига кўмаклашади*).

6. Хориждаги ватандош ёшлиар билан ишлаш ва уларни қўллаб-қувватлаш. (*Ҳар ойда камидан бир маротаба хориждаги ёши ватандошлар билан мулоқот қилиши орқали уларнинг фаолиятини ўрганади ҳамда Ватанга қайтиб фаолиятини юритиши учун “маҳалла еттилиги” билан зарур чораларни кўради*).

7. Иқтидорли ёшлиарни излаб топиш, истеъдодини рўёбга чиқариш ва уларни қўллаб-қувватлашга кўмаклашиш. (*Ҳар ойда камидан 1 нафар иқтидорли ёшлиарни аниқлайди, истеъдодини рўёбга чиқариши бўйича улар билан индивидуал ишлайди, мавжуд ёрдам турлари орқали уларни қўллаб-қувватлаши чораларини кўради*).

8. Ёшлиар ўртасида китобхонликни кенг тарғиб қилиш, жумладан, ёшлиар етакчисининг ўзи ҳар ойда камидан 1 та китоб мутолаа қилиш орқали шахсий намуна кўрсатиши. (*Ҳар чоракда камидан бир маротаба маънавият, маданият ходимлари, ёзувчи ва шоирларни жалб қилган ҳолда ёшлиар ўртасида китобхонликка оид тадбирларни ташикли этади*).

9. Шахсий ривожланиш мақсадида, жумладан, “Ибрат фарзандлари” лойиҳаси доирасида камидан 1 та хорижий тилни мукаммал ўрганиш. (*Маҳалла ёшлиарини хорижий тилларни ўрганишига доимий қизиқтириб боради*).

Ёшлиар билан ишлашнинг янгича бошқарув механизmlарини жорий этиш, улар билан ишлашнинг вертикал тизимини яратиш, ёшлиар муаммоларини бевосита маҳаллаларда ҳал этиш, таълим муассасаларида маънавий-маърифий ва тарбиявий ишларнинг самарадорлигини янада оширишда маҳаллалардаги ёшлиар етакчиларининг алоҳида ўрни бор.

Ҳар бир давлатнинг барқарор тараққиётини таъминлашда асосий пойдевор ёшлиар ва уларнинг интеллектуал салоҳияти ҳисобланади. Шу нуқтаи назардан, мамлакатимиз аҳолисининг катта қисми замонавий билим ва қўнимкамаларга эга ёшлардан иборат эканини инобатга олган ҳолда, мазкур қатламнинг ижтимоий-иктисодий ва бошқа соҳалардаги манфаатини ҳимоя қилиш ҳамда кузатилаётган долзарб масалаларнинг назарий ва амалий жиҳатдан ечимини топиш кун тартибидаги муҳим вазифадир.

Ёш авлод келажаги эса ҳамиша Ўзбекистон сиёсатининг марказида бўлган. Бугун ҳам юртимизда юзага келган муаммоларни бартараф этиш, ёшлиарнинг камолоти ва тарбиясига ижобий таъсир қилувчи шарт-шароит яратиш учун барча соҳада кенг қўлламли ислоҳотлар жадаллик билан олиб борилмоқда.

Президентимизнинг “Биз ўз олдимизга мамлакатимизда Учинчи Ренессанс пойдеворини барпо этишдек улуғ мақсадни қўйган эканмиз, бунинг учун янги Хоразмийлар, Берунийлар, Ибн Синолар, Улубеклар, Навоий ва Бобурларни тарбиялаб берадиган мухит ва шароитларни яратишимииз керак. Бунда, аввало, таълим ва тарбияни ривожлантириш, соғлом турмуш тарзини қарор топтириш, илм-фан ва инновацияларни тараққий эттириш миллий ғоямизнинг асосий устунлари бўлиб хизмат қилиши лозим”, деган сўзлари ёшлиар учун катта марралар сари йўл очди [7]. Ўтган даврда ёшлиарни ҳар томонлама қўллаб-қувватлаш мақсадида қатор ҳуқуқий-меъёрий ҳужжатлар ишлаб чиқилди. Улар асосида ёшлиарнинг интилиш ва иқтидорини қўллаб-қувватлаш, рағбатлантиришга оид раҳбар кадрларнинг бошқарув салоҳиятини юксалтириш бўйича мустаҳкам тизим яратилди.

Ёшлиар тўғрисидаги зарур маълумотларни “Ёшлиар дафтари” ва “Ёшлиар портали” электрон платформаларига киритиб бориш, улар билан самарали ишлаш, ёшлиарнинг бўш вақтини

мазмунли ташкил этиш, ижтимоий фаоллигини ошириш, иқтидори, истеъдоди ва ташаббусини рағбатлантириш ҳамда ҳаётда ўз ўрнини топишига кўмаклашиш етакчиларнинг асосий вазифаси сифатида қайд этилди. Навқирон авлодни ватанпарварлик руҳида тарбиялаш, уларнинг интеллектуал жиҳатдан камол топиши ва маънавий ривожланишини таъминлаш, хуқуқбузарлик содир этишга мойиллиги бўлган ёшлар билан тизимли ишлаш вазифаси юклатилди.

Шунингдек, етакчиларнинг ўзига бириктирилган маҳаллаларда мақом, бахшичилик ва эстрада бўйича танловлар, “Камалак юлдузлари” болалар ижодиёти фестивали, саломатлик учун 5 000 қадам юриш марафони ҳамда “Ёш эколог” аксиясини ўтказиши, шу билан бирга, мини футбол, волейбол, баскетбол, стол тениси, велоспорт, югуриш, шахмат, шашка, бадминтон, камондан отиш бўйича мусобақаларини ташкил этиши зарурлиги таъкидланди.

ЮНИСЕФ, Ёшлар иттифоқи ҳамда “Юксалиш” умуммиллий ҳаракати томонидан ўтказилган ва “Ўзбекистон ёшлари: муаммо ва истиқболлар” деб номланган йирик тадқиқот натижалари асосида тайёрланган ҳисботда Ўзбекистон 15-20 йилдан сўнг ноёб демографик дивидендини кўлга киритиши таъкидлаб ўтилган.

2048-йилга бориб мамлакатда меҳнатга лаёқатли аҳоли сони тарихий юқори даражага этиши кутилмоқда. Табиийки, уларнинг салмоқли қисмини ёшлар ташкил қиласди. Ҳозир давлат олдидаги асосий вазифа демографик дивидендини кўлдан бой бермаслик ҳамда ундан максимал фойдаланишдан иборат. Бошқача айтганда, хукумат инсон капиталига, яъни ёшларнинг сифатли таълим олиши ва интеллектуал салоҳиятини рӯёбга чиқаришга катта ҳажмда инвестиция киритиши зарур. Бу келажакда нафакат иқтисодиётни юксалтириш, балки ижтимоий вазиятни барқарорлаштириш — камбағаллик ва салоҳиятли кадрлар миграциясини қисқартириш, ишсизликни бартараф этиш, халқнинг турмуш даражасини ошириш имконини беради.

Маълумотларга кўра, ўқиши битиргач, уйда ўтириб қолаётган ёшлар орасида аёллар салмоғи анча юқори — 51 фоиз. 18 ёшдан кейин мазкур кўрсаткич янада ортиб, 74 фоизга етмоқда. Бунинг сабаби қизлар оила юмушлари билан машғуллиги ҳамда даромад топиш учун бошқа жойга кўчиб ўтиш имконияти чеклангани билан изоҳланади.

Қишлоқ ёшлари шаҳарликларга қараганда олий таълим муассасаларига камроқ ўқишига киради. Шу боис, уларда тадбиркорликка қизиқиши юқори. Мамлакатимизда стартап лойиҳаларга қишлоқ ёшлари қўл урмоқда. Аёллар, асосан, соғлиқни сақлаш, таълим ва қайта ишлаш саноатида банд. Эркаклар орасида нисбатан оммалашган касблар қурувчилик ва фермерлик ҳисобланади.

Шуни алоҳида таъкидлаш жоизки, ёшлар билан мулоқот факат идораларда ёки мактабларда бўлмайди. Мулоқотни узвий равиша йўлга кўйиш учун, биринчи навбатда, ёшлар ичига қучоқ очиб кириб бориш талаб этилади. Айнан мана шундай шароитда ёшлар етакчисига зарурат сезилади.

Бугунги кунда мамлакатимизда 9400 дан ортиқ маҳалла фуқаролар йигинлари фаолият юритади. Энди тасаввур қилинг, ушбу маҳаллаларнинг ҳар бирида етакчиларнинг бўлиши мавжуд вазиятни қанчалик енгиллаштиради? Ўйлашимизча, улар хукумат ва ёшлар орасидаги масофани янада яқинлаштиради, ўғил-қизлар билан ишлашнинг янгича усусларини ишлаб чиқкан ҳолда жамият ривожи учун улкан ҳисса қўшади.

Ёшлар етакчиси таълим-тарбия жараёнини самарали ташкил этишда турли муассасалар ҳамда ёшлар ўртасидаги муносабатларни мустаҳкамлаш, уларнинг турли жараёнларга мослашувига кўмаклашади. Йигит-қизларга услубий, ижтимоий ва психологик ёрдам кўрсатган ҳолда Ватанга муҳаббат ҳиссини оширади. Шу билан бирга, ёшларнинг бўш вақтини самарали ташкил этиш бўйича мунтазам таҳлил қилиб боради ва иш сифатини оширади. Шунингдек, уларнинг ижтимоий аҳволидан доимий хабардор бўлиб туради.

Ёшлар етакчиси, ўз навбатида, давлат билан тенгқурлари ўртасидаги воситачига айланади. У

ёшларнинг манфаати ва муаммоларини таҳлил қиласи. Уларнинг мавжуд қобилиятидан келиб чиқиб, тўғри мақсад сари йўналтиради. Шунингдек, салоҳиятини ривожлантиришнинг индивидуал йўналишини излаб топади. Зоро, ёшлар етакчиси сифатида фаолият юритувчи кадрлар ёшларнинг таълимга нисбатан қизиқишини аниқлаш ва қўллаб-қувватлашга қаратилган тадбирларни ишлаб чиқади. Уларнинг ташаббусини амалга оширишга ёрдам беради. Ёшларнинг ўқиши ва таълимдаги ютуқларини лойихалаштириш, таҳлил қилиш ва тақдим этишга кўмаклашади. Ёшлар билан уларнинг ютуқ ва қийинчиликларини, турли жойларда ва турли тадбирларда амалга ошириладиган фаолиятнинг қай даражада самарадорлигини, синов ҳаракатларида самарали ишлашга таъсирини таҳлил қилувчи тадбирларни ўтказади.

Мамлакатимиз аҳолисининг 60 фоиздан ортигини ёшлар ташкил этишини инобатга олсак, юртимизда олиб борилаётган ислоҳотлар мазмун жиҳатидан бевосита уларга нақадар дахлдор эканини англаймиз. Зоро, ҳар бир жамиятнинг, унда яшайдиган инсонларнинг тақдири ва келажаги, албатта, давлатнинг етакчи кучи ҳисобланмиш ёшлар тарбияси билан чамбарчас боғлиқдир.

Фойдаланилган адабиётлар рўйхати:

1. Ўзбекистон Республикаси Президентининг “Фуқаролик жамияти институтларини ривожлантиришга кўмаклашиш борасидаги қўшимча чора-тадбирлар тўғрисида” 2013 йил 12 декабрдаги ПҚ-2085-сон қарори. www.lex.uz
2. G.B.Salohiddinova. The Role Of Mahalla Civil Society Institutes In Increasing The Youth’s Social Activeness In The Family. *The American Journal of Social Science and Education Innovations*, 2(11), 2020 512-515 бетлар.
3. G.B.Salohiddinova. SOCIAL PEDAGOG Достижения науки и образования № 19 (41), 2018 НАУЧНО-МЕТОДИЧЕСКИЙ ЖУРНАЛ [HTTPS://SCIENTIFICTEXT.RU](https://SCIENTIFICTEXT.RU) UE’S RESPONSIBILITIES IN COOPERATION WITH A FAMILY TO INCREASE CHILD SOCIABILITY.
4. Usmanova Azizakhon Abdullazhonovna ЎЗБЕКИСТОН ЁШЛАРИНИ ИЖТИМОИЙ ФАОЛЛИГИНИ ШАКЛАНТИРИШНИНГ СИЁСИЙ-ПСИХОЛОГИК АСОСЛАРИ Monografiya 2020.